

Panangsaluad kadagiti mula

Igges ti kangrunaan a peste ti mais. Lapdan daytoy babaen ti panagaramat iti Trichogramma.

Para kadagiti agdadamo nga agusar iti Trichogramma

- ✓ 70 a trichocards ti ibitin inton' 21 nga aldaw kalpasan ti panagmula.
- ✓ 30 a trichocards ti ibitin inton 28-30 nga aldaw kalpasan ti panagmula.

Para kadagiti nakapadasen a nagaramat iti trichocards:

- ✓ 50 a trichocards ti ibitin inton 21 nga aldaw kalpasan ti panagmula.
- ✓ 20 a trichocards ti ibitin inton' 28-30 nga aldaw kalpasan ti panagmula

Ibitin ti trichocard iti maikapat a bulong ti mais manipud iti puon. No awan trichocards, agaramat iti insektisidio.



Palagip: Saan nga agaramat iti insektisidio no nagibitin iti trichocards ta matay dagiti trichogramma nga agkaan kadagiti igges.

Panagapit

Apiten dagiti mais inton' 70 agingga't 72 nga aldaw kalpasan ti panagmula. Agapit no agngisiten ti puon dagiti gumi.

Kalpasan ti Panagapit

Suroten ti umno a wagas ti panagpuros, panagpukis, panagibilag, ken panagisupot tapno nasayaat ti kalidad dagiti bukel.



Nayon nga Impormasion:

Aplikaran iti organiko nga abono ti talon tapno mapasubli ti napintas a kalidad ti daga. Gapu iti sobra a panagaramat kadagiti kemiko iti kaittalanon, nagbalinen a naalsem ken nababa ti kalidad ti dagatayo. In-not pay a madadael ti aglawlaw ken narisgo iti salun-at dagiti umili. Tapno maliklikan dagitoy a pasamak ken tapno makainot iti magasto, agorganiko itan!

Agmulatayo iti Mais



Impablaak ti Extension Directorate
Mariano Marcos State University, City of Batac, Ilocos Norte
Telefax: (077) 792-3501 CP No. (0920) 5125647

Iti tulong ti Ilocos Agriculture and Resources Research and Development Consortium (ILARRDEC)
Crops Research Laboratory Bldg., MMSU, Batac,
2906 Ilocos Norte, Philippines
Tel. (077) 792-3420; Fax: (077) 792-3688;
E-mail: ilarrdec@digitelone.com

ken ti

Commission on Higher Education (CHED)
babaeen iti programa
“Strengthening the Farmers’ Information and Technology Services through the Production of IEC materials”

Pakauna

Adu dagiti baro a takuat iti agrikultura, ngem adu a mammalon ti saan a mairanranud kadagitoy ta dida makaasideg kadagitoy ahensia a mangiwanwanwan kadagitoy. Adda met dagiti makaasideg no dumar-ayda kadagitoy panagsanay.

Adda pay dagiti mammalon ti kayatda ti makaadal, ngem maliwayan ida dagiti ahensia a nakatakuat kadagitoy a teknolohia. Gapu iti kaadu dagiti kayatda nga aramiden, malipatan dagiti mangimaton kadagitoy nga ahensia ti pudno a kaipapanan dagiti aramidda -- ti mangidanon kadagitoy resulta ti panagsukisok kadagitoy mammalon.

Addada met dagiti mammalon ti nakaadal kadagitoy baro a teknolohia, ngem saanda maiyaplikar dagitoy iti talonda.

Ngarud, ti Extension Directorate ti Mariano Marcos State University ti agbalin a ramay ti unibersidad tapno maiyasideg dagitoy a takuat kadagitoy mammalon, ken dadduma a benepisario ti panagrang-ay tapno magun-odda ti panagdurus-as.

Babaen ti tulong ti Commission on Higher Education, maipablaak dagitoy a teknolohia tapno maisaknap dagitoy a takuat.

Mairuknoy daytoy a pagbasaan kadagitoy amin a mammalon ken dagiti cliente dagiti Techno Pinoy Centers iti Rehion I.

Agisayangkat ti Extension Directorate kadagitoy panagsanay, *pilot demonstrations* ken exhibits tapno maiyadal dagitoy a takuat.

Panagmula iti Mais

Mais ti maysa kadagitoy kangrunaan a mula iti Kailokuan. Dagiti barayti a diket, yellow corn, hybrids, ken open pollinated dagiti gagangay a maimulmula. Maaramat dagitoy a taraon ti tao ken dinguen.

Ti diket a mais ti kangrunaan a maimulmula ita babaen iti MMSU kas suporta iti *dispersal project* daytoy. Adu ti pakaaramatan ti diket a mais.

Tapno nangato ti apit ken ganansia, masapul a suroten dagitoy a wagas ti panagmula.

Panagmula

Panagtutudo - Mayo agingga't Hunio
Kalgaw - Oktubre agingga't Marso

Panangisagana iti Pagmulaan

Araduen ken suyoden ti daga tapno napintas ti panagtubo ken panagdakkel dagiti mula. Kalpasanna, agaramid kadagitoy gurit a 75 a sentimetro ti kaaddayona.

Panagmula

Agmula iti kaaddayo a 75 a sentimetro tunggal gurit ken 20 a sentimetro tunggal puon. 20 a kilo a bin-i ti maimula iti maysa nga ektria.



Panagabono

Agaramat iti Bio-N tapno bumassit ti magasto iti ganagan. Suportaran ti Bio-N ti 50 a porsiento a nitroheno a kasapulan ti mais.



Iyaplikar ti maysa a pakete ti Bio-N iti tallo a kilo a mais. Babasaen ti mais sakhbay nga ikiwar ti Bio-N tapno dumket daytoy. Kiwaren agingga a makalukopan iti Bio-N dagiti mais. Siguraduen a saan a mainitan dagiti bukel ti mais no imulada tapno saan a matay dagiti organismo iti Bio-N.

No agaramat iti Bio-N, supusopan daytoy iti 4 a sako a 14-14-14. Iyaplikar daytoy sakhbay ti panagmula. Dua met a sako a urea ti iyaplikar sakhbay ti panaglimbang.

No met awan Bio-N, agaplikar iti 8.5 a sako a 14-14-14. Iyaplikar daytoy sakhbay ti panagmula. Agaplikar met iti 2.6 a sako a urea sakhbay ti panaglimbang.

Panaglimbang

Aglimbang intono 21-25 nga aldaw kalpasan ti panagmula tapno malapdan ti panagtubo dagiti ruot.

Panagpadanum

Agpadanum kalpasan ti maysa a lawas a panagmula, kalpasan ti panaglimbang, tiempo ti panagsabong, ken inton' makita a kasapulanen dagiti mula ti danum.